

Sarajevo, 09.02.2024. godine

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA KANTONA SARAJEVO
n/r Premijer Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema Vladi Kantona Sarajevo;

Za imenovanje stručnog Tima sa zadatkom da izvrši analizu, te dostavi prijedloge koji će obuhvatiti kratkoročne i dugoročne mjere u cilju poboljšanja sigurnosne situaciju u Kantonu Sarajevo, te konkretne prijedloge u smislu uspostavljanja sistemskog rješenja i implementiranja dobrih praksi, te izmjene zakonske regulative (pooštavanje kazni, sa posebnim naglaskom na višestruke povratnike u vršenju prekršaja i krivičnih dijela i dr.).

OBRAZLOŽENJE:

Nažalost događaji koji su se nedavno desili zahtijevaju hitnu reakciju u smislu analize stanja i definisanja sistemskog rješenja, budući da je trenutna situacija u velikoj mjeri posljedica neadekvatnog sistema generalno, a posebice sistema sigurnosti. **No, prije konkretnih prijedloga koje očekujem da dostavi stručni Tim želim naglasiti hitnu potrebu provođenja trenutnih mjera u smislu prisustva većeg broja policijskih službenika s ciljem učestalih kontrola i prevencije eventualnih novih incidenata. Kontrole se moraju provoditi kontinuirano, a ne kratki vremenski period nakon nemilih događaja što je do sada bio slučaj.**

U odnosu na naprijed navedeno, iniciram da Vlada Kantona Sarajevo odmah **imenuje stručni Tim** sa članovima iz sljedećih institucija:

1. Ministarstvo unutrašnjih poslova KS;
2. Uprava policije MUP-a;
3. Tužilaštvo KS;
4. Kantonalni sud u Sarajevu/Općinski sud u Sarajevu;
5. Zavod za bolesti ovisnosti KS;
6. Ministarstvo za odgoj i obrazovanje KS;
7. Ministarstvo za nauku, visoko obrazovanje i mlade u KS;
8. Ministarstvo saobraćaja KS;

9. Predstavnici akademske zajednice (Pravni fakulteta, Fakulteta za saobraćaj, Filozofski fakultet – psiholozi, Kriminalistički fakultet...);
10. FMUP-a, stručni kadar iz policijske akademije.

Kako je u samoj inicijativi navedeno stručni Tim se imenuje sa zadatkom da izvrši analizu, te dostavi prijedlog koji će obuhvatiti kratkoročne i dugoročne mjere u cilju poboljšanja sigurnosti svih građana u KS sa konkretnim prijedlozima za izmjene zakonske regulative (pooštravanje kazni, sa posebnim naglaskom za višestruke povratnike u vršenju prekršaja i krivičnih dijela i dr.).

Također, nakon konsultacija sa strukom u nastavku dostavljam smjernice, kada su u pitanju kratkoročne i dugoročne mjere koje bi predloženi Tim trebao imati u vidu, a s ciljem sistemskog rješavanja ovog pitanja.

Smjernice vezano za kratkoročne i dugoročne mjere:

KRATKOROČNO:

Prijedlog da Ministarstvo unutrašnjih poslova KS i Uprava policije KS odmah izvrše potrebne analize u cilju sagledavanja mogućnosti i davanja odgovora na složenu sigurnosnu situaciju u okviru svojih mogućnosti vezano za broj službenika i materijalno-tehnička sredstva.

DUGOROČNO:

- Preispitati broj policijskih službenika u KS, te odrediti njihov optimalan broj u skladu sa potrebama i sigurnosnim izazovima;
- Sagledati stvarne potrebe kada su u pitanju materijalno-tehničkih sredstava vezano za uspješan rad Kantonalne policije;
- Sagledati mogućnosti uvođenja četverogodišnjeg srednjoškolskog obrazovanja policijskih službenika u KS (npr. osnivanje srednje policijske škole), kao i drugim kantonima koji bi dali saglasnost, a po ugledu na dobru komparativnu praksu država u okruženju a i šire, u cilju da se dobiju što kvalitetniji policijski službenici, koji će na najbolji mogući način moći odgovoriti situaciji i izazovima sa kojima se suočavamo;
- Sagledati mogućnosti da se uvede četverogodišnje obrazovanje na nekoj od srodnih visokoškolskih ustanova nakon srednje škole za dodatno usavršavanje npr. pri Fakultetu za kriminalistiku ili policijskoj akademiji;
- Unutar Uprave policije formirati odjeljenje koje će se baviti operativnom analitikom i prevencijom krivičnih djela u KS;
- Uspostaviti sistem koji će omogućiti permanentno usavršavanje i osposobljavanje policijskih službenika kroz različite razmjene iskustva sa policijskih tijelima zemalja EU i šire putem specijaliziranih obuka, treninga, sticanja novih taktika, upoznavanje sa novim materijalno-tehničkim sredstvima kako policajaca tako i rukovodnog kadra, te osigurati potrebna finansijska sredstva za realizaciju navedenog;
- Preispitivanje zakonskog okvira u smislu potrebe poošttravanja kazni posebno kada su u pitanju višestruki povratnici i dr..
- Preispitati postupak i proceduru konkurisanja i prijema stručnog kadra iz drugih policijskih agencija u MUP KS s ciljem privlačenja najkvalitetnijeg policijskog kadra.

Navedeno ima za cilj da se putem predloženih smjernica, te analize i mjera koje treba dostaviti stručni TIM, u Kantonu Sarajevo uspostave sistemski rješenjima i implementiraju dobre prakse u cilju prevencije ovakvih i sličnih djela i poboljšanja sigurnosti u KS.

U inicijativi nije predložen rok za realizaciju navedenog, te se ostavlja na nadležnost i postupanje Vlade Kantona Sarajevo da utvrdi dinamiku i konkretne rokove za realizaciju.

S poštovanjem,

Vedrana Vikić Musić
Zastupnica u Skupštini Kantona Sarajevo